



Republika e Kosovës
Republika Kosova – Republic of Kosovo

Agjencia e Kosovës për Akreditim
Agencija Kosova za Akreditaciju
Kosovo Accreditation Agency



Data: 10/01/22 Ref.: 25/22

Në mbështetje të nenit 8 dhe 12 të Ligjit për Organizimin dhe Funksonimin e Administratën Shtetërore dhe të Agjencive të Pavarura Republikës së Kosovës Nr.06/L-113 (Gazeta Zyrtare Nr.07/01 mars 2019), Ligjit për Procedurën e Përgjithshëm Administrative Nr. 05/L-31 (Gazeta Zyrtare Nr.20/12 Qershor 2016), Ligjit për Arsimin e Lartë në Republikën e Kosovës Nr. 04/L-037 (Gazeta Zyrtare Nr.14/9 Shtator 2011), Udhëzimin Administrativ për Akreditimin e Institucioneve të Arsimit të Lartë në Republikën e Kosovës (Nr.15/2018, datë 28.09.2018), Manualit për Akreditimin e Institucioneve të Arsimit të Lartë, dhe të Vendimit të KShC-së, nr. 3236/21D të datës 21.09.2021; Këshilli Shtetëror i Cilësisë (KSHC), në mbledhjen e 94-të, të mbajtur më 21 dhjetor 2021, mori:

V E N D I M

- I. Refuzohet kërkesa e Universitetit të Mitrovicës “Isa Boletini”, Nr. 3503/21H datë 29.10.2021 për ri/akreditim të programeve të studimit:
- Financa dhe Kontabilitet, MA, 120 ECTS (Akreditim)
 - Makineri Prodhuese, MSc 120 ECTS (Ri akreditim)
 - Gjeoinformatikë dhe menaxhimi i gjeoresurseve, BSc, 180 ECTS (Akreditim)
 - Inxhinieri dhe Teknologji Ushqimore, BSc, 180 ECTS (Ri akreditim)
 - Inxhinieri dhe Teknologji Ushqimore, MSc, 120 ECTS (Ri akreditim)
- II. Ky vendim hyn në fuqi me nënshkrimin e tij.

A r s y e t i m i

Universiteti i Mitrovicës “Isa Boletini” ka parashtruar kërkesë (Nr. 3503/21H datë 29.10.2021) pranë Agjencisë së Kosovës për Akreditim (AKA) për akreditim respektivisht riakreditim të programeve të studimit: 1) Financa dhe Kontabilitet, MA, 120 ECTS (Akreditim); 2) Makineri Prodhuese, MSc 120 ECTS (Riakreditim); 3) Gjeoinformatikë dhe menaxhimi i gjeoresurseve, BSc, 180 ECTS (Akreditim); 4) Inxhinieri dhe Teknologji Ushqimore, BSc, 180 ECTS (Riakreditim); 4) Inxhinieri dhe Teknologji Ushqimore, MSc, 120 ECTS (Riakreditim).

Bazuar në pikën 1.2 të Nenit 10 të UA për Akreditim ku thuhet, "Në përputhje me kërkesat e këtij udhëzimi administrativ, KShC do të bëjë aprovimin e listës së stafit akademik për çdo program të studimit i cili parashtrohet për aplikim nga institucionet e arsimit të lartë. Tabelat e plotësuara në formë elektronike së bashku me deklaratat për angazhimin e stafit akademik përcillen në formë të raportit përmbledhës në mbledhjen e ardhshme të KShC-së për aprovim formal. Raporti përmbledhës për gjendjen e stafit në bazë të të dhënave të dorëzuara nga institucionet e arsimit të lartë përgatitet nga stafi i AKA-së", KShC në mbledhjen e mbajtur më 21 dhjetor 2021 ka trajtuar aplikacionin e dorëzuar nga ky Universitet.

Sipas të dhënave të prezantuara nga raporti përmbledhës për programet për të cilat ka aplikuar ky institucion, dhe pas analizimit të detajuar të dokumentacionit të prezantuar për stafin akademik, ashtu siç parashihet me Nenin 26, pika 5.3.4 e UA për Akreditim, dhe bazuar në Nenin 10, pika 1.3.2 të tij, KShC mori vendim për refuzim të aprovimit të aplikacionit për programet si në dispozitiv të këtij vendimi.

- **Për programin Financa dhe Kontabilitet, MA, 120 ECTS**, institucioni ka paraparë si bartës të programit: Esat Durguti (PhD në Financa), dhe Ajtene Avdullahi (PhD Ndërmarrësi dhe menaxhim të NVM-ve).

Sipas Nenit 26, pika 5.3.4 e UA për Akreditim, kërkohet që: "Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve".

Pas verifikimit të dokumentacionit ashtu sic është përcaktuar me Udhëzimin Administrativ 15/2018, KShC ka konstatuar se titulli PhD i bartësit Ajtene Avdullahi nuk përkon me fushën e programit të studimit.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, të refuzojë aprovimin e aplikacionit për programin e studimit Financa dhe Kontabilitet, MA, 120 ECTS.

- **Për programin Makineri Prodhuese, MSc 120 ECTS**, institucioni ka paraparë si bartës të programit: Hakif Zeqiri (PhD në Shkenca teknike), dhe Labinot Kastrati (PhD në Fizikë).

Pas verifikimit të dokumentacionit bazuar në Nenin 26, pika 5.3.4 të UA për Akreditim, ku kërkohet që: "Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve", KSHC ka konstatuar se titulli PhD i bartësit Labinot Kastrati nuk përkon me fushën e programit të studimit.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, të refuzojë aprovimin e aplikacionit për programin e studimit Makineri Prodhues, MSc, 120 ECTS.

- **Për programin Gjeoinformatikë dhe menaxhimi i gjeoresurseve, BSc, 180 ECTS**, institucioni ka paraparë si bartës të programit: Naser Peci (PhD në Gjeologji), Behxhet Shala (PhD në Shkenca të Natyrës), dhe Festim Kutllavci (PhD në Gjeologji).

Pas shqyrtimit të aplikacionit dhe verifikimit të dokumentacionit, KSHC ka konstatuar se bartësit Naser Peci dhe Behxhet Shala janë transferuar nga një program i akredituar. Ky transferim është bërë pa miratim paraprak të KSHC-së. Mbi këtë bazë KSHC vendosi të refuzojë aprovimin e aplikacionit për programin e studimit Gjeoinformatikë dhe menaxhimi i gjeoresurseve, BSc, 180 ECTS.

- **Për programin Inxhinieri dhe Teknologji Ushqimore, BSc, 180 ECTS**, institucioni ka paraparë si bartës të programit: Valdet Gjinovci (PhD në Mjekësi veterinerë), Dilaver Salihu (PhD në Teknologjinë e qumështit dhe produkteve bylmetore), Fatos Rexhepi (PhD në Analiza Kimike e Lëndës dhe Mjedisit), dhe Mirsade Osmani (PhD në Biologji).

Pas verifikimit të dokumentacionit bazuar në Nenin 26, pika 5.3.4 të UA për Akreditim, ku kërkohet që: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve”*, KSHC ka konstatuar se titulli PhD i bartësve Valdet Gjinovci dhe Mirsade Osmani nuk përkojnë me fushën e programit të studimit si dhe, në bazë të informatave nga Administrata Tatimore e Kosovës, bartësi Valdet Gjinovci figuron si i punësuar me orar të plotë në dy vende të ndryshme.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, të refuzojë aprovimin e aplikacionit për programin e studimit Inxhinieri dhe Teknologji Ushqimore, BSc, 180 ECTS.

- **Për programin Inxhinieri dhe Teknologji Ushqimore, MSc, 120 ECTS**, institucioni ka paraparë si bartës të programit: Aziz Behrami (PhD në Kimi), Bahtir Hyseni (PhD në Bioteknologji), dhe Alush Musaj (PhD në Shkenca Veterinerë).

Pas verifikimit të dokumentacionit bazuar në Nenin 26, pika 5.3.4 të UA për Akreditim, ku kërkohet që: *“Për programet e studimit të cilat shpijnë deri tek marrja e një diplome shkencore Bachelor dhe Master, kërkesat për stafin akademik janë që për çdo grup të studentëve (të përcaktuar sipas statutit të IAL) dhe për çdo 60 ECTS kredi të programit të studimit, institucioni duhet të ketë të paktën një (1) staf me marrëdhënie të rregullt të punës me titull PhD nga fusha e programit të studimeve”*, KSHC ka konstatuar se titulli PhD i bartësit Aziz Behrami dhe Alush Musaj nuk përkojnë me fushën e programit të studimit si dhe bartësi Bahtir Hyseni nuk posedon nostrifikimin e diplomës PhD.

Bazuar në faktet e prezantuara me sipër dhe dispozitat ligjore të sqaruara më lartë, KShC vendosi që në mungesë të stafit adekuat, dhe bazuar në Nenin 26, pika 5.3.4 e Udhëzimit Administrativ për Akreditim, të refuzojë aprovimin e aplikacionit për programin e studimit Inxhinieri dhe Inxhinieri dhe Teknologji Ushqimore, MSc, 120 ECTS.

Këshillë juridike: Kundër këtij vendimi mund të paraqitet ankesë sipas Nenit 125 dhe 126 të Ligjit mbi Procedurën e Përgjithshme Administrative (Nr. 05/L-031, datë 25 Maj 2016). Ankesa kundër këtij akti administrativ i dorëzohet organit të Komisionit të Ankesave të AKA-së, sipas Rregullores nr. 2/2019, në afatin prej 30 ditëve nga data kur pala është njoftuar për aktin administrativ sipas Nenit 127 të LPPA.

Vendimi iu dërgohet:

- Universitetit të Mitrovicës “Isa Boletini”
- MASHTI;
- Arkivit të AKA-së.


Prof. Ass. Dr. Hasnija Ilazi
Kryetare e Këshillit Shkencor të Nesisë